

四庫全書

史部

欽定四庫全書

史部

資治通鑑卷一百五十三

詳校官修撰臣錢 榮

洗馬臣王坦修覆勘

總校官知縣臣楊懋珩

校對官中書臣葉 蘭

謄錄監生臣周 鈞

欽定四庫全書

資治通鑑卷一百五十

宋 司馬光 撰

胡三省 音註

梁紀六

起閏逢執餘盡於  
蒙大落凡廿一年

高祖武皇帝六

普通五年春正月辛丑魏主祀南郊 三月魏以臨淮

王彧都督北討諸軍事討破六韓拔陵拔陵反見  
上卷上年夏四

月高平鎮民赫連恩等反推敕勒酋長胡琛為高平王

首慈秋翻長知兩翻攻高平鎮以應拔陵魏將盧祖遷擊破之琛

北走將即亮翻衛可孤攻懷朔鎮經年外援不至楊鈞使賀

拔勝詣臨淮王彧告急勝募敢死少年十餘騎夜伺隙

潰圍出賊騎追及之勝曰我賀拔破胡也少詩照翻騎奇寄翻伺相

吏翻賀拔勝字破胡賊不敢逼勝見彧於雲中考異曰勝傳云至朔州見彧按後

魏地理志雲中舊名朔州及改懷朔鎮為朔州不容更以雲中為朔州今但云雲中按魏氏初都平城北邊

列置諸鎮孝昌以後改鎮為州尋即荒廢其地漫不可考杜佑以為魏都平城於郡北三百餘里置懷朔鎮又

云遷洛之後於郡北三百餘里置朔州又云後魏初雲中在郡北三百餘里定襄故城北夫其曰皆在郡北三

百餘里將是一處邪將是三處邪宋白曰朔州馬邑郡東北至故雲中三百六十里後魏為畿內之地亦曾為懷朔鎮孝文遷洛之後於州北三百八十里定襄故城置朔州又曰後魏初雲中定襄故城是則是朔州與後魏初雲中共一處通鑑此後書改懷朔鎮為朔州更命朔州為雲州此即魏志所謂雲中舊名朔州之證也是則懷朔鎮與雲中是兩處矣是後李崇自崔暹白道之敗引還雲中後又自雲中引還平城其退師道里先後可見而唐之雲中郡乃魏之平城詳而考之說之曰懷歷代建置州郡其名清雜難指一處為定也

朔被圍旦夕淪陷大王令頓兵不進懷朔若陷則武川亦危賊之銳氣百倍雖有良平不能為大王計矣或許為出師勝還復突圍而入鈞復遣勝出現武川

說武為  
翻許為

于偽翻復扶又翻下聊復  
同覲丑廉翻又丑艷翻

武川已陷勝馳還懷朔亦潰

勝父子俱為可孤所虜五月臨淮王彧與破六韓拔陵

戰於五原

五原即漢五原郡地魏收志朔州治五原杜佑曰魏置朔州於懷朔鎮在唐朔州馬邑郡

北三百餘里今榆林九原即漢之五原郡地蓋漢之五原壤地甚廣唐之豐勝朔三州皆漢之五原郡地魏收志朔州附化郡有五原縣或與拔陵當戰於此兵敗彧坐削除官爵安北將軍

隴西李叔仁又敗於白道

武川鎮北有白道谷谷口有白道城自城北出有高阪謂

之白道嶺賊勢日盛魏主引丞相令僕尚書侍中黃門於顯

陽殿問之曰今寇連恒朔逼近金陵

魏末遷洛以前諸帝皆葬雲中之金

陵恒戶登翻  
近其新翻

計將安出吏部尚書元修義請遣重臣督

軍鎮恒朔以捍寇帝曰去歲阿那瓌叛亂遣李崇北征

崇上表求改鎮為州朕以舊章難革不從其請尋崇此

表開鎮戶非冀之心致有今日之患但既往難追聊復

略論耳然崇貴戚重望

李崇文成皇后兄誕之子歷方面有時望

器識英敏

意欲遣崇行何如僕射蕭寶寅等皆曰如此實合羣望

崇曰臣以六鎮遐僻密邇寇戎

杜佑曰六鎮並在今馬邑雲中單于界

欲

以慰悅彼心豈敢導之為亂臣罪當就死陛下赦之今

更遣臣北行正是報恩改過之秋但臣年七十加之疲病不堪軍旅願更擇賢材帝不許修義天賜之子也

天賜

見一百三十三卷  
宋明帝泰始七年

臣光曰李崇之表乃所銷禍於未萌制勝於無形魏肅宗既不能用及亂生之後曾無愧謝之言乃更以爲崇罪不明之君烏可與謀哉詩云聽言則對誦言如醉匪用其良覆俾我悖

詩柔柔之辭也注云見道  
聽之言則應答之見誦詩

書之言則冥卧如醉不能  
用善反使我為悖逆之行其是之謂矣



壬申加崇使持節開府儀同三司北討大都督

使疏命  
史翻

撫軍將軍崔暹鎮軍將軍廣陽王深皆受崇節度深嘉

之子也

汝魏收魏書作廣陽王淵李延壽北史作廣陽  
王深蓋避唐諱通鑑承用之廣陽王嘉見一百

四十三卷齊東昏侯永元元年  
曰魏帝紀深作淵今從列傳及北史  
考異

六月以豫州

刺史裴邃督征討諸軍事以伐魏 魏自破六韓拔陵

之反二夏幽涼寇盜蜂起

二夏夏州及東夏州也魏收  
地形志夏州治統萬領化政

關熙金明代名郡東夏州領偏城朔方定陽上郡宋白  
曰魏改統萬鎮為東夏州後改延州按魏克統萬以為  
鎮太和十一年改夏州延昌二年置東夏州治廣武唐  
始改為延州治膚施後魏太和元年置廣武縣後周改

豐林縣隋分豐林金明置唐延州治馬則魏東

夏州治廣武非統萬也然魏收地形志以廣武為太原

鴈門之廣武亦誤皇興二年置華州於北地太和十一

年改為班州十四年為幽州領北地趙興襄樂郡涼州

領武安臨松建昌番和泉城武興秦州刺史李彥政刑

武咸昌松東徑涼淳郡夏戶雅翻大提自稱秦

殘虐在下皆怨是月城內薛珍等聚黨突入州門擒彥

殺之推其黨莫折大提為帥莫折虜複姓帥所類翻大提自稱秦

王魏遣雍州刺史元志討之雍於用翻初南秦州豪右楊松

柏兄弟數為寇盜數所角翻刺史博陵崔遊誘之使降引為

主簿接以辭色使說下羣氏誘音酉說式為翻既而因宴會盡

收斬之由是所部莫不猜懼遊聞李彥死自知不安欲  
逃去未果城民張長命韓祖香孫掩等攻遊殺之以城  
應大提大提遣其黨卜胡襲高平克之殺鎮將赫連略

行臺高元榮大提尋卒

卒子  
恤翻

子念生自稱天子置百官

改元天建

丁酉魏大赦

秋七月甲寅魏遣吏部尚

書元修義兼尚書僕射為西道行臺帥諸將討莫折念

生

帥讀  
曰率

崔暹違李崇節度與破六韓拔陵戰于白道

大敗單騎走還

騎奇  
寄翻

拔陵并力攻崇崇力戰不能禦引

還雲中與之相持廣陽王深上言先朝都平城

上時掌翻朝直

通翻

以止邊為重盛簡親賢擁麾作鎮

謂鎮將也

配以高門子

弟以死防遏非唯不廢仕宦乃更獨得復除

高門子弟謂其先世

與魏同起于代北者所謂大姓九十九復方目翻

當時人物忻慕為之太和中

僕射李冲用事涼州土人悉免廝役

李寶自敦煌入朝于魏至子冲親貴

厚其鄉人故涼土之人悉免廝役

帝鄉舊門仍防邊戍自非得罪當世

莫肯與之為伍本鎮驅使但為虞侯白直

杜佑曰白直無月給

一

生推遷不過軍主然其同族留京師者得上品通官在

鎮者即為清塗所隔或多逃逸乃峻邊兵之格鎮人不

聽浮遊在外於是少年不得從師長者不得遊宦

少詩照翻

長知兩翻

獨為匪人言之流涕自定鼎伊洛邊任益輕唯底

滯凡才乃出為鎮將轉相模習專事聚斂或諸方姦吏

犯罪配邊為之指蹤政以賄立邊人無不切齒及阿那

瓌背恩縱掠

斂力贍翻背蒲妹翻

發奔命追之十五萬衆度沙漠

不日而還

事見上卷上年還從宣翻又如字

邊人見此援師遂自意輕

中國

師連而疾邊人見其不能盡敵而反意遂輕之

尚書令臣崇求改鎮為州

抑亦先覺朝廷未許而高闕戍主御下失和

鄜道元曰趙武靈王

既襲胡服自代並陰山下至高闕為塞山下有長城長城之際連山刺天具山中斷兩岸雙闕雲舉望若闕馬

故有高闕之名自闕北出荒中闕口有城跨山結局謂之高闕戍

拔陵殺之遂相帥為

亂

帥讀曰率

攻城掠地所過夷滅王帥屢北賊黨日盛此段

之舉指望銷平而崔暹隻輪不返臣崇與臣逵巡復路

復路者還即舊路也

相與還次雲中將士之情莫不解體今日所

慮非止西北將恐諸鎮尋亦如此天下之事何易可量

書奏不省

為魏主思崇深之言張本易以政翻量音良省悉景翻

詔徵崔暹繫廷

尉遲以女妓田園賂元又卒得不坐

妓渠綺翻卒子  
恆翻下卒無同

丁丑莫折念生遣其都督楊伯年攻仇鳩河池二戍

河池

即今鳳州河池縣有河池  
水仇鳩亦當與河池相近

東益州刺史魏子建遣將軍

伊祥等擊破之斬首千餘級東益州本氐王楊紹先之

國

天監五年魏克武興滅  
楊紹先之國置東益州

將佐皆以城民勁勇二秦反

者皆其族類請先收其器械子建曰城民數經行陣

數所

角翻行  
戶剛翻

撫之足以為用急之則腹背為患乃悉召城民

慰諭之既而漸分其父兄弟外戍諸郡內外相顧卒

無叛者

卒子恤翻

子建蘭根之族兄也

魏涼州幢帥於菩

提等執刺史宋穎據州反

幢傳江翻帥所類翻善薄乎翻

八月庚寅

徐州刺史成景雋拔魏童城

童城即下邳僮縣城也

魏員外散

騎侍郎李苗上書曰凡食少兵精利於速戰

散悉亶翻騎奇寄翻

上時掌翻少詩沼翻

糧多卒衆事宜持久今隴賊猖狂非有素蓄

雖據兩城

兩城謂天水及高平

本無德義其勢在於疾攻日有降

納

降戶江翻

遲則人情離沮坐待奔潰夫颯至風舉逆者求

萬一之功高壁深壘王師有全制之策但天下久泰人



不曉兵奔利不相待逃難不相顧

難乃旦翻

將無法令士非

教習不思長久之計各有輕敵之心如今隴東不守汧

軍敗散

汧軍謂元志之軍也汧在隴阪之東將即亮翻汧口堅翻

則兩秦遂彊

兩秦謂莫

折念生及張長命等

三輔危弱國之右臂於斯廢矣宜勒大將堅

壁勿戰別命偏裨帥精兵數千出麥積崖以襲其後

積麥

崖在今秦州天水縣東百里狀如麥積故名裨賓彌翻帥讀曰率

則汧隴之下羣妖自

散

妖於驕翻

魏以苗為統軍與別將淳于誕俱出梁益未至

莫折念生遣其弟高陽王天生將兵下隴甲午都督元

志與戰於隴口

隴口隴城之口也

志兵敗棄衆東保岐州

魏岐州治

飛城

東西部敕勒皆叛魏附於破六韓拔陵魏主始思

李崇及高陽王深之言丙申下詔諸州鎮軍貫

貫籍也

非

有罪配隸者皆免為民政鎮為州以懷朔鎮為朔州更

命朔州曰雲州

魏先置朔州於雲中之盛樂以漢五原郡地為懷朔鎮今以懷朔為朔州改舊

朔州為雲州因雲中郡而得名也按後廣陽王深自五原拔軍向朔州則懷朔鎮雖置於漢五原郡地與五原

別為兩城宋白曰漢五原故城在唐勝州榆林縣界後魏孝文於唐朔州北三百八十里定襄故城置朔州更

工衡翻

遣兼黃門侍郎酈道元為大使撫慰六鎮

使疏

時

六鎮已盡叛道元不果行先是代人遷洛者多為選部

所抑不得仕進

先悉薦翻  
選須絹翻

及六鎮叛元又乃用代來人

為傳詔以慰悅之廷尉評代人山偉奏記稱又德美又

擢偉為尚書二千石郎

廷尉評即漢之廷尉平魏晉以來平旁加言今大理評事即其

職也後漢尚書有二千石曹魏置二千石郎  
魏收官氏志內入諸姓土難氏後改為山氏

秀容人

乞伏莫于聚眾攻郡殺太守

水經注魏立秀容護軍以  
統胡人其治所去汾水六

十里地形志永興二  
年置秀容郡屬肆州

丁酉南秀容牧子萬于乞真殺太

僕卿陸延秀容酋長爾朱榮討平之榮羽健之玄孫也

羽健見一百一十卷晉安帝隆安二年首慈秋翻長知兩翻

其祖代勤嘗出獵部民

射虎誤中其髀代勤拔箭不復推問

射而亦翻中竹所仲翻復扶又翻

部莫不感悅官至肆州刺史賜爵梁郡公年九十餘而

卒

恤子

子新興立新興時畜牧尤蕃息

蕃扶元翻

牛羊駝馬

色別為羣彌漫川谷不可勝數

勝音升

魏每出師新興輒

獻馬及資糧以助軍高祖嘉之新興老請傳爵於子榮

魏朝許之

朝直遙翻

榮神機明決御衆嚴整時四方兵起榮

陰有大志散其畜牧資財招合驍勇結納豪傑

爾朱榮事始此

魏聖  
免翻

於是侯景司馬子如賈顯度及五原段榮太安竇

泰

時魏于懷朔鎮置朔州并置太安郡

皆往依之顯度顯智之兄也

戊

戌莫折念生遣都督竇雙攻魏盤頭郡

盤頭郡屬東益州五代志興州

長舉縣魏置盤頭郡

東益州刺史魏子建遣將軍竇念祖擊破之

九月戊申成景雋拔魏睢陵戊午北兖州刺史趙景

悅圍荊山

梁北兖州治淮陰水經注曰地理志平阿縣有當塗山淮出于荊山之左當塗之右魏收

志梁北徐州沛郡已吾縣有當塗山荊山今之懷遠軍正據荊山以沈約志言之皆屬馬頭郡界五代志鍾離

郡塗山縣古當塗也後齊置荊山郡

裴邃帥騎三千襲壽陽

帥讀曰率

壬

戌夜斬關而入克其外郭魏揚州刺史長孫稚禦之一

日九戰後軍蔡秀成失道不至邃引兵還別將擊魏淮

陽

此梁所遣別將也非裴邃所部將即亮翻下同

魏使行臺郾道元都督河間

王琛救壽陽

琛丑林翻

安樂王鑿救淮陽鑿詮之子也

樂音洛詮

丑緣翻安樂王詮事見一百四十六卷天監五年

魏西道行臺元修義得風

疾不能治軍

治直之翻

壬申魏以尚書左僕射齊王蕭寶寅

為西道行臺大都督帥諸將討莫折念生

為蕭寶寅以關中叛魏張

本宋穎密求救於吐谷渾王伏連籌

吐從瞰入聲谷音浴

伏連籌

自將救涼州於菩提棄城走追斬之城民趙天安等復

推宋頴為刺史

又復扶翻

河間王琛軍至西硤石解渦陽

圍復荆山戍青冀二州刺史王神念與戰為琛所敗

補敗

邁翻

冬十月戊寅裴邃元樹攻魏建陵城克之辛巳拔曲

木

曲木當作曲沫水經注沫水過建陵縣故城東又南逕陵山西魏立大堰過水西流兩瀆之會置城防之

曰曲沫戍沫食半翻

掃虜將軍彭寶孫拔琅邪

魏營州城民劉

安定就德興

魏書官氏志菟賴氏改為就氏西方諸姓也

執刺史李仲遵據

城反城民王惡兒斬安定以降德興東走自稱燕王

降戶

江翻燕  
因肩翻

胡琛遣其將宿勤明達寇幽夏北華三州

魏高

祖太和十五年置東秦州于杏城後改為北華州領魏中部數城凡三郡宿勤虜複姓夏戶雅翻華戶化翻

遣都督北海王顥帥諸將討之顥詳之子也

詳得罪見一百四十

五卷天監三年帥讀曰率

甲申彭寶孫拔曹丘辛卯裴邃拔狄城

水經注肥水自荻丘過漢九江成德縣故城西王莽更曰平阿又北入芍陂

丙申又拔甕城

進屯黎漿壬寅魏東海太守韋敬欣以司吾城降

漢東海郡

司吾縣之故城也

定遠將軍曹世宗拔曲陽甲辰又拔秦墟魏

守將多棄城走

水經注洛水逕淮南郡曲陽故城東應劭曰縣在淮曲之陽洛水又北歷秦



墟下注淮謂之洛口魏收志曲陽縣屬霍州北沛郡五代志曲陽縣後廢入鍾離定遠縣

魏使黃

門侍郎盧同持節詣營州慰勞就德興降而復反詔以

同為幽州刺史兼尚書行臺同屢為德興所敗而還

勞力

到翻復扶又翻敗補邁  
翻還從宣翻又如字

魏朔方胡反圍夏州刺史源

子雍

夏戶雅翻夏州治統萬城

城中食盡煮馬皮而食之衆無貳心

子雍欲自出求糧留其子延伯守統萬將佐皆曰今四

方離叛糧盡援絕不若父子俱去子雍泣曰吾世荷國

恩當畢命此城但無食可守故欲往東州

荷下可翻東州謂東夏州

也為諸君營數月之食

為丁偽翻

若幸而得之保全必矣乃

帥羸弱詣東夏州運糧

帥讀曰率羸倫為翻

延伯與將佐哭而送

之子雍行數日胡帥曹阿各拔邀擊擒之

帥所類翻

子雍潛

遣人齎書敕城中努力固守闔城憂懼延伯諭之曰吾

父吉凶未可知方寸焦爛但奉命守城所為者重

為于偽翻

下為陳同不敢以私害公諸君幸得此心於是眾感其義莫

不奮勵子雍雖被擒胡人常以民禮事之子雍為陳禍

福勸阿各拔降會阿各拔卒其弟桑生竟帥其眾隨子

雍降

降戶江翻

子雍見行臺北海王顥具陳諸賊可滅之狀

顥給子雍兵令其先驅時東夏州闔境皆反所在屯結

子雍轉鬪而前九旬之中凡數十戰遂平東夏州徵稅

粟以饋統萬二夏由是獲全子雍懷之子也

史言源氏諸子皆有

才具而天降喪亂終無救魏氏之衰也

魏廣陽王深上言今六鎮盡叛

高車二部亦與之同

高車自阿伏至羅興窮奇分為二部所謂東西部較勒也以此

疲兵擊之必無勝理不若選練精兵守恒州諸要

諸要謂要

衝之地恒戶登翻

更為後圖遂與李崇引兵還平城崇謂諸將

曰雲中者白道之衝

以此觀之則魏之雲中漢之盛樂縣唐之振武軍節度使治所皆雲

山之

賊之咽喉若此地不全則并肆危矣當留一人鎮

之誰可者衆舉費穆崇乃請穆為朔州刺史

請奏請也時雲中已

改為雲州朔當作雲

賀拔度拔父子及武川宇文肱糾合鄉里

豪傑共襲衛可孤殺之度拔尋與鐵勒戰死肱逸豆歸

之玄孫也

肱字文泰之父也逸豆歸晉康帝建元二年為慕容皝所滅

李崇引國子

博士祖瑩為長史廣陽王深奏瑩詐增首級盜沒軍資

瑩坐除名崇亦免官削爵徵還深專總軍政

為深內困於讒外困

于賊張本

莫折天生進攻魏岐州十一月戊申陷之執都

督元志及刺史裴芬之送莫折念生殺之念生又使卜

胡等寇涇州敗光祿大夫薛巒於平涼東

魏置平涼郡治鶉陰縣有

平涼城敗補邁翻

巒安都之孫也

宋泰始初薛安都降魏

丙辰彭寶孫

拔魏東莞

莞音官

壬戌裴邃攻壽陽之安城

魏收志梁置新興郡治安

城縣丙寅馬頭安城皆降

高平人攻殺卜胡共迎胡琛

魏以黃門侍郎楊昱兼侍中持節監北海王顥軍以

救幽州幽州圍解

監工衛翻

蜀賊張映龍姜神達攻雍州

蜀賊

者蜀人之徒關中者也乘魏亂起而為盜因謂之蜀雍  
賊後爾朱天光西討蜀賊斷路皆其黨也雍於用翻

州刺史元修義請援一日一夜書移九通都督李叔仁  
遲疑不赴昱曰長安關中基本若長安不守大軍自然  
瓦散留此何益遂與叔仁進擊之斬神達餘黨散走

十二月戊寅魏荆山降 壬辰魏以京兆王繼為太師

大將軍都督西道諸軍以討莫折念生 乙巳武勇將

軍李國興攻魏平靖關辛丑信威長史楊乾攻武陽關

壬寅攻峴關

此義陽之三關也峴戶與翻

皆克之國興進圍郢州魏

郢州刺史裴詢與蠻酋西郢州刺史田朴持相表裏以

拒之

魏郢州治義陽西郢州又當在義陽之西蠻中也首慈秋翻

圍城近百日

近其斬翻

魏援軍至國興引還詢駿之子也

裴駿見一百二十四卷宋文帝元嘉二十

年二 魏汾州諸胡反

魏孝文帝太和十二年置汾州治蒲子領西河吐京五城定陽凡四

郡以章武王融為大都督將兵討之

將即亮翻

魏魏子建

招諭南秦諸氏稍稍降附遂復六郡十二戍斬韓祖香

魏以子建兼尚書為行臺刺史如故

刺史謂子建本為東益州刺史梁

巴二益工秦諸州皆受節度

魏置梁州于南鄭置巴州于漢巴西郡置益州于晉

壽郡東益州于武興郡秦州于上邽南秦州于仇池

莫折念生遣兵攻涼州城

民趙天安復執刺史以應之

復扶又翻

是歲侍中太子詹

事周捨坐事免散騎常侍錢唐朱异代掌機密軍旅謀

議方鎮改易朝儀詔敕皆典之异好文義多藝能精力

敏贍上以是任之

為朱异亂梁張本散恣亶翻騎奇寄翻异羊吏翻好呼到翻朝直遥翻

六年春正月丙午雍州刺史晉安王綱遣安北長史柳

渾破魏南鄉郡司馬董當門破魏晉城庚戌又破馬圈

彫陽二城

雍於用翻圖求遠翻

辛亥上祀南郊大赦

魏徐州



刺史元法僧素附元乂見乂驕恣恐禍及已遂謀反魏

遣中書舍人張文伯至彭城法僧謂曰吾欲與法去危

就安能從我乎文伯曰我寧死見文陵松柏文陵謂孝文帝陵

安能去忠義而從叛逆乎法僧殺之庚申法僧殺行臺

高諒稱帝紀 考異曰法僧傳作高謨今從魏帝紀及魏紀云自稱宋王法僧傳及北史皆云稱尊號

梁書法僧傳云稱帝按法僧立諸子為王必稱帝也今從梁書改元大啓立諸子為王

魏發兵擊之法僧乃遣其子景仲來降降戶江翻 異曰法僧傳云考

魏室大亂法僧據鎮議欲匡復既而魏亂稍定將討法僧法僧懼歸款按時魏亂未定今從北史安東

長史元顯和麗之子也

元麗見一百四十六卷天監五年

舉兵與法僧

戰法僧擒之執其手命使共坐顯和不肯曰與翁皆出

皇家

元法僧陽平王熙之曾孫熙道武子也元麗小新城之孫小新城景穆之子顯和麗之子也以族屬

長幼之次呼法僧為翁

一朝以地外叛獨不畏良史乎法僧猶欲

慰諭之顯和曰我寧死為忠鬼不能生為叛臣乃殺之

上使散騎常侍朱异使於法僧以宣城太守元略為大

都督

元略來奔見上卷四年使疏吏翻

與將軍義興陳慶之胡龍牙成

景雋等將兵應接

將即亮翻

莫折天生軍於黑水

水經注就水出

南山就谷北流與黑水合黑水上合三泉於流水之右  
三泉奇發言歸一瀆北流會於就水就水又北流注于

渭兵勢甚盛魏以岐州刺史崔延伯為征西將軍西道

都督帥眾五萬討之延伯與行臺蕭寶寅軍于馬嵬延

伯素驍勇寶寅趣之使戰

帥讀曰率嵬五回翻  
曉堅克翻趣讀曰促

延伯曰

明晨為公參賊勇怯乃選精兵數千西度黑水整陳向

天生營

為于偽翻  
陳讀曰陣

寶寅軍於水東遙為繼援延伯直抵

天生營下揚威脅之徐引兵還天生見延伯眾少

少詩  
沼翻

爭開營逐之其眾多於延伯十倍蹙延伯於水次寶寅

望之失色延伯自為後殿殿丁練翻不與之戰使其眾先渡

部伍嚴整天生兵不敢擊須臾渡畢延伯徐渡天生之

眾亦引還寶寅喜曰崔君之勇關張不如關張謂關羽張飛也延

伯曰此賊非老奴敵也明公但安坐觀老奴破之癸亥

延伯勒兵出寶寅舉軍繼其後天生悉眾逆戰延伯身

先士卒先悉薦翻陷其前鋒將士盡銳競進大破之俘斬十

餘萬追奔至小隴隴山有大隴山小隴山大隴山在清水縣東北小隴山在岐州武都郡南

田縣西北五代志南田作南由岐雍及隴東皆平將士南由唐隴州之吳山縣即其地

稽留採掠天生遂塞隴道

塞悉則翻

由是諸軍不能進寶寅

破宛川

五代志扶風郡陳倉縣後魏曰宛川

俘其民以為奴婢以美女十

人賞岐州刺史魏蘭根蘭根辭曰此縣介於彊寇不能自立故附從以救死官軍之至宜矜而撫之奈何助賊為虐翦以為賤役乎悉求其父兄而歸之 乙巳裴邃

拔魏新蔡郡

魏收志新蔡郡治石母臺隋廢為縣唐以後屬蔡州

詔侍中領軍將

軍西昌侯淵藻將眾前驅南充州刺史豫章王綜與諸

將繼進

將即亮翻

癸酉裴邃拔鄭城

水經注潁水過慎縣故城南而東南流逕蜩螻

郭東俗謂之鄭汝潁之間所在響應魏河間王琛等憚

城又東南入淮

宋併城父為浚儀縣屬陳留郡寄

邃威名軍於城父城父縣漢屬沛郡魏晉以來屬譙郡累月不進魏朝遣廷尉

少卿崔孝芬持節齎齋庫刀以趣之

齋庫刀千牛刀也齋刀以趣其進言

若復逼留將斬之也朝直遙翻孝芬挺之子也琛至壽陽欲出兵決戰

長孫稚以為久雨未可出琛不聽引兵五萬出城擊邃

邃為四甄以待之使直閣將軍李祖憐先挑戰而偽退

甄稽延翻稚琛悉衆追之四甄競發魏師大敗斬首萬

挑徒了翻

餘級琛走入城稚勒兵而殿遂閉門自固不敢復出

丁殿

練翻復扶又翻

魏安樂王鑒將兵討元法僧擊元略於彭城南

畧大敗

樂音洛申法僧叛

考異曰魏帝紀敘元略等事便在庚下不應如此之速今移之於月末

與數十騎走入城鑒不設備法僧出擊大破之鑒單騎

奔歸

騎奇寄翻

將軍王希暉拔魏南陽平

宋僑置陽平郡於沛郡南界後入於

魏為南陽平郡以別相州之古陽平郡也後又徙郡寄治彭城

他甘翻執太守薛曇尚曇

尚虎子之子也

薛虎子事魏孝文帝歷州鎮有聲績曇徒舍翻

甲戌以法僧為

司空封始安郡公魏以安豐王延明為東道行臺臨淮

王彧為都督以擊彭城 魏以京兆王繼為太尉 二

月乙未趙景悅拔魏龍亢

龍亢縣漢屬沛郡晉屬譙國魏太和十九年置下蔡郡龍

亢屬馬五代志潁州潁上縣舊置下蔡郡晉勺曰亢音剛

初魏劉騰既卒

騰卒見上卷四

年胡太后及魏主左右防衛微緩元又亦自寬時出遊

於外留連不返其所親諫又不納太后察知之去秋太

后對帝謂羣臣曰今隔絕我母子不聽往來復何用我

為

復扶又翻下無復同我當出家修道於嵩山間居寺耳

魏作間居寺見

一百四十七卷天監八年

因自欲下髮帝及羣臣叩頭泣涕殷勤苦



請太后聲色愈厲帝乃宿於嘉福殿積數日乃與太后  
密謀黜乂然帝深匿形迹太后有忿恚欲得往來顯陽  
之言皆以告乂

魏主常居顯陽殿故太后欲往來恚於避翻

又對乂流涕敎

太后欲出家憂怖之心日有數四

怖普布翻

又殊不以為疑

乃勸帝從太后所欲於是太后數御顯陽殿二宮無復

禁礙乂舉元法僧為徐州法僧反太后數以為言

數所角翻

乂深愧悔丞相高陽王雍雖位居乂上而深畏憚之會  
太后與帝遊洛水雍邀二宮幸其第日晏帝與太后至

雍內室從官皆不得入

從才用翻

遂相與定圖又之計于是

太后謂又曰元郎若忠於朝廷無反心何故不去領軍

以餘官輔政

去羌呂翻

又甚懼免冠求解領軍乃以又為驃

騎大將軍開府儀同三司尚書令侍中領左右

驃匹妙翻騎奇

寄翻

戊戌魏大赦壬辰莫折念生遣都督楊鮓等攻

仇池郡

以上戌戌下三月己酉推之壬辰當作壬寅魏收志仇池郡屬東益州五代志漢陽郡上祿縣

魏置仇池郡

行臺魏子建擊破之三月己酉上辛白下城

履行六軍頓所

行下孟翻

乙丑命豫章王綜權頓彭城總督

衆軍并攝徐州府事已巳以元法僧之子景隆為衡州

刺史

吳孫亮太平二年分長沙西部都尉立衡陽郡景梁置衡州按五代志梁置衡州於南海含涯縣

仲為廣州刺史上召法僧及元略還建康法僧驅彭城

吏民萬餘人南渡

考異曰南史云武官戍彭城者三千餘人法僧皆印額為奴逼將南渡

魏書梁書皆無此事

法僧至建康上寵待甚厚元略惡其為人

路與之言未嘗笑

魏詔京兆王繼班師去年魏使繼西討今將誅

其子又故詔使班師

北涼州刺史錫休儒等自魏興侵魏梁州

攻直城

梁置北涼州于魏興涼當作梁魏收志東梁州金城郡領直城縣五代志金州安康縣蕭管改

直州蓋因直城以名州魏以其地出金故郡曰金城州曰金州錫姓也漢有錫光

魏梁州刺史

傅豎眼遣其子敬紹擊之

豎而庚翻

休儒等敗還

柔然王

阿那瓌為魏討破六韓拔陵魏遣牒云具仁齋雜物勞

賜之

為于偽翻勞力到翻下同

阿那瓌勒衆十萬自武川西向沃野

屢破拔陵兵

稽古錄是年書蠕蠕殺破六韓拔陵在誅元乂之下

夏四月魏主復

遣中書舍人馮雋勞賜阿那瓌

復扶又翻

阿那瓌部落浸彊

自稱敕連頭兵豆伐可汗

魏收曰魏言摠攬也

魏元乂雖解兵

權猶總任內外殊不自意有廢黜之理胡太后意猶豫

未決侍中穆紹勸太后速去之紹亮之子也

穆氏從魏起於代北

崇壽亮奕世貴顯去羌呂翻

潘嬪有寵於魏主

嬪毘賓翻

宦官張景嵩說

之云

說式芮翻

又欲害嬪嬪泣訴於帝曰又非獨欲害妾將

不利於陛下帝信之因又出宿解又侍中明旦又將入

宮門者不納辛卯太后復臨朝攝政下詔追削劉騰官

爵除又名為民清河國郎中令韓子熙上書為清河王

懌訟寃

懌死見上卷元年復扶又翻書為于偽翻

乞誅元又等曰昔趙高柄

秦令關東鼎沸

事見秦紀

今元又專魏使四方雲擾開逆之

端起於宋維成禍之末良由劉騰宜梟首洿宮斬骸沈

族以明其罪

梟堅堯翻洿哀都翻沈持林翻

太后命發劉騰之墓露散

其骨籍沒家貲盡殺其養子以子熙為中書舍人子熙

麒麟之孫也

韓麒麟見一百三十五卷齊武帝永明元年

初宋維父弁常曰

維性疎險必敗吾家李崇郭祚游肇亦曰伯緒凶疎

宋維

字伯緒敗補邁翻

終傾宋氏若得殺身幸矣維阿附元又超遷

至洛州刺史

魏初置洛州於洛陽荊州於上洛太和遷洛以洛州為司州又置荊州於穰城以上

洛之荊州為洛州領上洛上庸魏興始平葭和郡

至是除名尋賜死又之解領

軍也太后以又黨與尚彊未可猝制乃以侯剛代又為

領軍以安其意尋出剛為冀州刺史加儀同三司未至

州黜為征虜將軍卒于家

卒子恤翻

太后欲殺賈粲以又黨

多恐驚動內外乃出粲為濟州刺史

濟子禮翻

尋追殺之籍

沒其家唯又以妹夫未忍行誅先是給事黃門侍郎元

順以剛直忤又意

先悉薦翻忤五故翻

出為齊州刺史太后徵還

為侍中侍坐於太后

坐祖卧翻

又妻在太后側順指之曰陛

下奈何以一妹之故不正元又之罪使天下不得伸其

寃憤太后嘿然順澄之子也

任城王雲及澄魏宗室之賢王也

它日太

后從容謂侍臣曰

從千容翻

劉騰元乂昔嘗邀朕求鐵券冀

得不死朕賴不與韓子熙曰事關生殺豈繫鐵券且陛

下昔雖不與何解今日不殺太后憮然

憮周甫翻未元晦曰憮然猶悵

然未幾有告乂及弟瓜謀誘六鎮降戶反於定州又招

魯陽諸蠻侵擾伊闕

伊闕在河南新城縣界隋開皇初改新城縣為伊闕縣幾居豈翻降

戶江翻欲為內應得其手書太后猶未忍殺之羣臣固執

不已魏主亦以為言太后乃從之賜乂及弟瓜死于家



猶贈又驃騎大將軍儀同三司尚書令

驃匹妙翻  
騎奇寄翻

江陽

王繼廢於家病卒前幽州刺史盧同坐又黨除名

去年同為

幽州刺史

太后頗事粧飾數出遊幸元順面諫曰禮婦人夫

沒自稱未亡人首去珠玉

數所角翻  
去冕呂翻

衣不文采陛下母

臨天下年垂不惑

四十而不惑

修飾過甚何以儀刑後世太

后慙而還宮召順責之曰千里相徵豈欲衆中見辱耶

順曰陛下不畏天下之笑而恥臣之一言乎順與穆紹

同直順因醉入其寢所紹擁被而起正色讓順曰身二

十年侍中與卿先君亟連職事

亟去連翻  
數數也

縱卿方進用

何宜相排突也遂謝事還家詔諭久之乃起初鄭義之

兄孫儼為司徒胡國珍行參軍私得幸於太后人未之

知蕭寶寅之西討以儼為開府屬

開府有  
據有屬

太后再攝政

儼請奉使還朝

使疏吏翻  
朝直遙翻

太后留之拜諫議大夫中書

舍人領嘗食典御晝夜禁中每休沐太后常遣宦者隨

之儼見其妻唯得言家事而已中書舍人樂安徐紇粗

有文學

粗坐  
五翻

先以諂事趙修坐徙抱罕

趙修得罪見一  
百四十五卷天

監二年後還復除中書舍人又諂事清河王懌懌死出

為鴈門太守還洛復諂事元又敗太后以紇為懌所

厚復召為中書舍人復扶紇又諂事鄭儼儼以紇有智

數仗為謀主仗直兩紇以儼有內寵傾身承接共相表

裏勢傾內外號為徐鄭儼累遷至中書令車騎將軍奇

寄紇累遷至給事黃門侍郎仍令舍人總攝中書門下

之事軍國詔令莫不由之紇有機辯彊力終日治事畧

無休息不以為勞治直時有急詔令數吏執筆或行或

卧人别占之

占口也

造次俱成

造七到翻

不失事理

人必小有才也然後

能迎世取寵以竊一時之權朱异徐紇是也

然無經國大體專好小數見人

矯為恭謹遠近輻湊附之

為爾朱榮討徐鄭張本好呼到翻

給事黃門

侍郎袁翻李神軌皆領中書舍人為太后所信任時人

云神軌亦得幸於太后衆莫能明也神軌求婚於散騎

常侍盧義僖義僖不許黃門侍郎王誦謂義僖曰昔人

不以一女易衆男

引樂廣事事見八十五卷晉惠帝太安二年

卿豈易之邪

義僖曰所以不從者正為此耳

為于偽翻

從之恐禍大而速

誦乃堅握義僖手曰我聞有命不敢以告人

詩唐國風揚之水之

辭也女遂適他族臨婚之夕太后遣中使宣勅停之內外

惶怖義僖夷然自若

使疏吏翻怖普布翻

神軌崇之子義僖度世

之孫也

盧度世見宋紀

胡琛據高平遣其大將萬俟醜奴宿

勤明達等寇魏涇州

琛丑林翻將即亮翻萬當作万音莫北翻俟渠之翻万俟虜複姓北

史曰萬俟其先匈奴之別也

將軍盧祖遷伊甕生討之不克蕭寶寅

崔延伯既破莫折天生引兵會祖遷等於安定甲卒十

二萬鐵馬八千軍威甚盛醜奴軍於安定西北七里時

以輕騎挑戰

騎奇寄翻挑徒了翻

大兵未交輟委走延伯恃其勇

且新有功遂唱議為先驅擊之別造大盾內為鎖柱使

壯士負以趨謂之排城置鞬重於中戰士在外自安定

北緣原北上

盾食尹翻重直用翻上時掌翻

將戰有賊數百騎詐持文

書云是降簿

言是降人之名籍也降戶江翻下同

且乞緩師寶寅延伯未

及閱視宿勤明達引兵自東北至降賊自西競下覆背

擊之

覆或作腹

延伯上馬奮擊逐北徑抵其營賊皆輕騎延

伯軍雜步卒戰久疲乏賊乘間得入排城延伯遂大敗

死傷近二萬人

間古覓翻  
近其斬翻

寶寅收衆退保安定延伯自

恥其敗乃繕甲兵募驍勇

驍堅堯翻  
下同

復自安定西進去賊

七里結營

時賊屯安定西彭阮復  
扶又翻下復還復失同

壬辰不告寶寅獨出

襲賊大破之俄頃平其數柵賊見軍士採掠散亂復還

擊之魏兵大敗延伯中流失卒士卒死者萬餘人時大

寇未平復失驍將朝野為之憂恐

中竹仲翻卒子恤翻  
將即亮翻朝直遙翻

為于偽翻於是賊勢愈盛而羣臣自外來者太后問之皆言

賊弱以求悅媚由是將帥求益兵者往往不與

帥所類翻

五月夷陵烈侯裴邃卒

時邃卒于軍中謚法有功邃深安民曰烈秉德尊業曰烈

沈有思略

沈持林翻思相史翻

為政寬明將吏愛而憚之壬子以

中護軍夏侯亶督壽陽諸軍事馳驛代邃益州刺史

臨汝侯淵猷遣其將樊文熾蕭世澄等將兵圍魏益州

長史和安於小劍魏益州刺史邴蚪遣統軍河南胡小

虎崔珍寶將兵救之文熾襲破其柵皆擒之使小虎於

城下說和安令早降

將即亮翻說式為翻降戶江翻

小虎遙謂安曰我

柵失備為賊所擒觀其兵力殊不足言努力堅守魏行



臺傅梁州援兵已至

魏行臺子建  
傅梁州豎眼

語未終軍士以刀毆

殺之

毆鳥  
口翻

西南道軍司淳于誕引兵救小劔文熾置柵

於龍鬚山上以防歸路戊辰誕密募壯士夜登山燒其

柵梁軍望見歸路絕皆恐懼

凶許  
拱翻

誕乘而擊之文熾大

敗僅以身免虜世澄等將吏十一人斬獲萬計魏子建

以世澄購胡小虎之尸得而葬之魏魏昌武康伯李

崇卒

魏收地形志魏昌縣屬中山郡諡法克定禍亂曰  
武溫柔好樂曰康考異曰魏帝紀在五月戊子

按長曆是月乙亥朔  
無戊子今不書日

初帝納東昏侯寵姬吳淑媛

魏文

帝置淑媛宋明帝以淑媛為九  
嬪之首齊梁因之媛于眷翻

七月而生豫章王綜宮

中多疑之及淑媛寵衰怨望密謂綜曰汝七月生兒安

得比諸皇子然汝太子次第幸保富貴勿泄也與綜相

抱而泣綜由是自疑晝則談謔如常謔近夜則於靜室

閉戶披髮席藁私於別室祭齊氏七廟又微服至曲阿

拜齊太宗陵齊無太宗當是高宗聞俗說割血瀝骨滲則為父子

滲所遂潛發東昏侯冢并自殺一男試之皆驗由是常

懷異志專伺時變伺相綜有勇力能手制奔馬輕財好

士唯留附身故衣餘皆分施

好呼到翻  
施式鼓翻

恒致罄之屢上

便宜求為邊任

恒戶登翻  
上時掌翻

上未之許常於內齋布沙於

地終日跣行足下生胝

胝丁尼翻  
皮厚也

日能行三百里王侯

妃主及外人皆知其志而上性嚴重人莫敢言又使通

問於蕭寶寅謂之叔父為南充州刺史不見賓客辭訟

隔簾聽之出則垂帷於輿惡人識其面

惡烏路翻

及在彭城

魏安豐王延明臨淮王彧將兵二萬逼彭城

將即亮翻  
考異曰

南史陳慶之傳云  
衆十萬今從梁書

勝負久未決上慮綜敗沒敕綜引軍

還綜恐南歸不復得至北邊

復扶又翻下路復復取同

乃密遣人送

降款於或魏人皆不之信或募人入綜軍驗其虛實無

敢行者殿中侍御史濟陰鹿愈為或監軍

鹿姓也風俗通漢有巴郡

太守鹿旗濟子請行曰若綜有誠心與之盟約如其詐

也何惜一夫時兩敵相對內外嚴固愈單騎間出

騎奇寄翻

間古徑趣彭城

趣七喻翻

為綜軍所執問其來狀愈曰臨淮

王使我來欲有交易耳時元略已南還綜聞之謂成景

雋等曰我常疑元略規欲反城

規圖也反字表翻

將驗其虛實

故遣左右為略使

使疏吏  
翻下同

入魏軍中呼彼一人今其人

果來可遣人詐為略有疾在深室呼至戶外令人傳言

謝之綜又遣腹心安定梁話迎愈密以意狀語之

意者  
傳綜

欲降之意狀者告以詭與成  
景儁設謀之狀語牛倨翻

愈薄暮入城先引見胡龍

牙龍牙曰元中山甚欲相見

元略之南奔也梁封  
為中山王故稱之

故遣

呼卿又曰安豐臨淮將少弱卒

將即亮翻  
少詩治翻

規復此城容

可得乎愈曰彭城魏之東鄙勢在必爭得否在天非人

所測龍牙曰當如卿言又引見成景儁景儁與坐謂曰

卿不為刺客邪愈曰今者奉使欲返命本朝朝直相刺

之事更卜後圖景儁為設飲食為于乃引至一所詐令

一人自室中出為元略致意曰我昔有以南向有所為

也且遣相呼欲聞鄉事晚來疾作不獲相見愈曰早奉

音旨冒險祇赴不得瞻見內懷反側遂辭退諸將競問

魏士馬多少愈盛陳有勁兵數十萬諸將相謂曰此華

辭耳史記商君曰貌言華也愈曰崇朝可驗何華之有

鄭玄曰崇朝終朝也乃遣愈還成景儁送之戲馬臺蘇軾曰彭城三面阻水樓

堞之下以汴泗為池獨其南可通軍馬  
而戲馬臺在焉其廣百步其高十仞  
北望城澗澗七

謂曰險固如此豈魏所能取愈曰攻守在人何論險固

愈還於路復與梁話申固盟約鹿愈既得綜之誠款知

語率多大言蓋其中心喜躍不能自揜於言語之間使梁將有如史駢締疵之流必能察知其情矣六月

庚辰綜與梁話及淮陰苗文寵夜出步投魏軍考異曰南史

綜傳綜夜潛與梁話苗寵三騎開北門涉汴河遂奔蕭城自稱隊主見延明而拜延明坐之問其名是不答曰

殿下問人有見識者延明名使視之曰豫章王也延明喜下地執其手答其拜送于洛陽按魏書及北史鹿愈

傳皆豫有盟約豈得不知又魏書蕭贊傳作及旦齋內濟陰為文寵北史作濟陰苗文寵今從南史

諸閭猶閉不開衆莫知所以唯見城外魏軍呼曰

呼火故翻

汝豫章王昨夜已來在我軍中汝尚何為城中求王不

獲軍遂大潰魏人入彭城乘勝追擊復取諸城至宿預

而還

還從宣翻又如字下同

將佐士卒死沒者什七八唯陳慶之

帥所部得還

史言陳慶之臨亂能整異於諸將帥讀曰率

上聞之驚駭有司

奏削綜爵土絕屬籍更其子直姓悖氏

更工衡翻下更名同

未旬

日詔復屬籍封直為永新侯

吳立永新縣宋屬安成郡

西豐侯正德

自魏還

事見上卷四年

志行無悛

行下孟翻悛丑緣翻

多聚亡命夜剽掠



於道剽匹以輕車將軍從綜北伐弃軍輒還上積其前

後罪惡免官削爵徙臨海未至追赦之綜至洛陽見魏

主還就館為齊東昏侯舉哀服斬哀三年見賢通翻為于偽翻哀倉

雷太后以下並就館弔之賞賜禮遇甚厚拜司空封高

平郡公丹楊王更名贊考異曰梁書南史皆云改名纘今從魏書北史以苗

文寵梁話皆為光祿大夫封鹿兪為定陶縣子除員外

散騎常侍綜長史濟陽江革司馬范陽祖暉之皆為魏

所虜散悉直翻騎奇寄翻濟子禮翻暉居鄧翻安豐王延明聞其才名厚遇

之革稱足疾不拜延明使暉之作欹器漏刻銘革唾罵

暉之曰卿荷國厚恩乃為虜立銘荷下可翻為于孤負

朝廷延明聞之令革作大小寺碑考異曰南史作大

祭彭祖文彭城大彭氏之墟也故祭之革辭不為延明將筮之筮止藥翻

革厲色曰江革行年六十今日得死為幸誓不為人執

筆延明知不可屈乃止日給脫粟飯三升僅全其生而

已上密召夏侯還使休兵合肥侯淮堰成復進夏戶雅翻

復扶又翻 癸未魏大赦改元孝昌 破六韓拔陵圍魏廣

陽王深于五原軍主賀拔勝募二百人開東門出戰斬

首百餘級賊稍退深拔軍向朔州勝常為殿

殿丁練翻

雲州

刺史費穆招撫離散四面拒敵時北境州鎮皆沒唯雲

中一城獨存

去年李崇使費穆守雲中

道路阻絕援軍不至糧仗俱

盡穆弃城南奔爾朱榮於秀容既而詣闕請罪詔原之

長流參軍于謹

長流參軍主禁防從公府置長流參軍小府無長流置禁防參軍

言於

廣陽王深曰今寇盜蠱起未易專用武力勝也謹請奉

大王之威命諭以禍福庶幾稍可離也

易以跋翻幾居依翻

深許

之謹兼通諸國語乃單騎詣叛胡營見其酋長開示恩

信於是西部鐵勒酋長也列河等將三萬餘戶南詣深

降

騎奇寄翻首慈秋翻長知兩翻也母野翻虜姓也將即亮翻降戶江翻

深欲引兵至折

數嶺迎之

通典作折敦嶺

謹曰破六韓拔陵兵勢甚盛聞也列

河等來降必引兵邀之若先據險要未易敵也不若以

也列河餌之而伏兵以待之必可破也深從之拔陵果

引兵邀擊也列河盡俘其衆伏兵發拔陵大敗復得也

列河之衆而還

復扶又翻下輩復同

柔然頭兵可汗大破破六韓

拔陵

可從刊入聲汗音寒

斬其將孔雀等拔陵避柔然南徙渡河

此河謂北河也

將軍李叔仁以拔陵稍偏求援于廣陽王深深

帥眾赴之

帥讀曰率

賊前後降附者二十萬人深與行臺元

纂表乞於恒州北別立郡縣安置降戶隨宜賑貸息其

亂心魏朝不從

朝直遙翻

詔黃門侍郎楊昱分處之冀定瀛

三州就食

處昌呂翻

深謂纂曰此輩復為乞活矣

乞活事見八十六卷

晉惠帝光熙元年按繫年圖書是年蠕蠕殺破六韓拔陵通鑑明年書拔陵遣費律誘斬胡琛

秋七

月壬戌大赦八月魏柔玄鎮民杜洛周聚眾反于上

谷改元真王攻沒郡縣高歡蔡儁尉景及段榮安定彭

樂皆從之洛周圍魏燕州刺史博陵崔秉

燕因肩翻

九月丙

辰魏以幽州刺史常景兼尚書為行臺與幽州都督元

譚討之景爽之孫也

魏之儒風振於常爽

自盧龍塞至軍都關皆

置兵守險譚屯居庸關

盧龍關在遼西肥如縣唐改肥如為盧龍縣杜佑曰盧龍塞在

平州盧龍縣城西北二百里軍都關在燕郡軍都縣唐

志曰幽州昌平縣北十五里有軍都陁西北三十五里

有納疑關即居庸故關亦謂之軍都關考之漢志上谷

郡有軍都居庸兩縣蓋各縣有關凡此屯守皆以防杜

洛周水經注居庸關在上谷沮陽城

東南六十里軍都關在居庸山南

冬十月吐谷渾

遣兵擊趙天安天安降涼州復為魏

去年趙天安以涼州應莫折念生復

扶又翻降

平西將軍高徽奉使嘽還至枹罕

嘽益涉

戶江翻

會河州刺史元祚卒

卒子

前刺史梁釗之

子景進引莫折念生兵圍其城長史元永等推徽行州

事勒兵固守景進亦自行州事徽請兵于吐谷渾吐谷

渾救之

吐從瞰入聲谷音浴

景進敗走徽湖之孫也

史述高徽與高歡同其所

自魏方有事於西北二荆西郢羣蠻皆反斷三鵞路

西荆治上洛北荆治襄城西郢治汝南真陽縣杜佑曰北荆州今即伊陽縣三鵞鎮在今汝州魯陽縣西南十

九里名高平城古遠角城在縣東南又云百里山在鄧州向城縣北是三鴟之第一鴟又北分嶺山北即三鴟之第二鴟其第三鴟入汝

殺都督寇掠北至襄城汝水

州魯山縣界斷丁管翻

有冉氏向氏田氏種落最盛

三姓蓋皆居汝源種章勇翻

其餘大者

萬家小者千室各稱王侯屯據險要道路不通十二月

壬午魏主下詔曰朕將親御六師掃蕩逋穢令先討荆

蠻疆理南服時羣蠻引梁將曹義宗等圍魏荊州

此荊州治

穰城將魏都督崔暹將兵數萬救之至魯陽不敢進魏

即亮翻

更以臨淮王彧為征南大將軍將兵討魯陽蠻

更工衡翻

司



空長史辛雄為行臺左丞東趣葉城

葉城時為襄州治所此即漢南陽郡

之葉縣城也趣七

喻翻葉式涉翻 別遣征虜將軍裴衍恒農太守京兆

王羆

恒戶登翻 考異曰周書羆傳 羆未嘗為恒農太守今從魏書

將兵一萬自武關

出通三鴟路以救荊州衍等未至虜軍已屯汝上

汝上汝水

之上州郡被蠻寇者爭來請救或分道別不欲應

之

被皮義翻處昌呂翻分扶問翻

辛雄曰今裴衍未至王士衆已集蠻

左唐突

自宋以來豫部諸蠻率謂之蠻左所置蠻郡謂之左郡

撓亂近畿

撓呼高翻擾也

王秉麾閫外見可而進何論別道或恐後有得失之責

邀雄符下

符尚書行臺符也下邀稼翻

雄以羣蠻聞魏主將自出心

必震動可乘勢破也遂符或軍令速赴擊羣蠻聞之果

散走魏主欲自出討賊中書令袁翻諫而止辛雄自軍

中上疏曰凡人所以臨陳忘身觸白刃而不憚者一求

榮名二貪重賞三畏刑罰四避禍難

陳讀曰陣難乃旦翻

非此數

者雖聖王不能使其臣慈父不能厲其子矣明主深知

其情故賞必行罰必信使親疎貴賤勇怯賢愚聞鍾鼓

之聲見旌旗之列莫不奮激競赴敵場豈歷久生而樂

速死哉

應與厭同  
樂音洛

利害懸於前欲罷不能耳自秦隴逆

節蠻左亂常已歷數載

亥翻  
載子

三方之師敗多勝少跡其

所由不明賞罰之故也

三方之師謂西討秦隴  
北禦邊鎮南擊蠻左也

陛下雖

降明詔賞不移時然將士之勲歷稔不決

歷稔猶言歷  
年一年五穀

一稔故以  
年為稔

亡軍之卒晏然在家是使節士無所勸慕庸

人無所畏懼

懼之  
涉翻

進而擊賊死交而賞賒

賒遠  
也

退而逃

散身全而無罪此其所以望敵奔沮不肯盡力者也陛下

下誠能號令必信賞罰必行則軍威必張盜賊必息矣

疏奏不省

省志景翻

曹義宗等取順陽馬圈

圈求遠翻

與裴衍等

戰於浙陽

漢弘農郡有析縣晉分屬順陽郡元魏置浙陽郡以其地在浙水之陽也即隋唐南鄉內

鄉二縣之地

義宗等敗退衍等復取順陽進圍馬圈洛州刺

史董紹以馬圈城堅衍等糧少上書言其必敗未幾義

宗擊衍等破之復取順陽

復扶又翻少詩沼翻上時掌翻幾居豈翻

魏以王

罷為荊州刺史

邵陵王綸攝南徐州事在州喜怒不

恒肆行非法遨遊市里問賣鮑者曰刺史何如對言躁

虐綸怒令吞鮑而死

鮑與鱓同音市演翻鱓魚似蛇今江東溝港皆有之躁則到翻

百

姓惶駭道路以目

道路相逢者但以目相視而不敢言

嘗逢喪車奪孝子

服而著之

著則略翻

匍匐號叫

號戶刀翻下悲號同

籤帥懼罪密以聞

上始嚴責綸而不能改於是遣代綸悖慢逾甚

帥所類翻悖蒲

內翻又蒲沒翻

乃取一老翁短瘦類上者加以袞冕置之高坐

朝以為君自陳無罪使就坐剥禡

坐徂卧翻朝直遙翻禡敕豸翻

捶之

於庭又作新棺貯司馬崔會意以輜車挽歌為送葬之

法

捶止藥翻貯丁呂翻輜音而喪車也莊子曰紼謳所生必於斥苦紼謳挽歌也左傳公孫夏使其徒歌虞

殯杜預注曰虞殯送葬歌曲田橫之死其徒有蒿里薤露之歌搜神記曰挽歌喪家之樂執紼者相和之聲

使嫗乘車悲號

嫗咸遇翻

會意不能堪輕騎還都以聞上恐

其奔逸以禁兵取之將于獄賜盡太子統流涕固諫得

免戊子免綸官削爵土魏山胡劉蠡升反自稱天子

置百官

山胡即汾州之稽胡

初敕勒酋長斛律金事懷朔鎮將

楊鈞為軍主行兵用匈奴法望塵知馬步多少嗅地知

軍遠近

酋慈秋翻長知兩翻將即亮翻少詩沼翻嗅許救翻

及破六韓拔陵反金

擁衆歸之拔陵署金為王既而知拔陵終無所成乃詣

雲州降仍稍引其衆南出黃瓜堆

水經注桑乾水與武周水合而東南流屈

逕黃瓜堆南又東  
南流逕桑乾郡北  
為杜洛周所破脫身歸爾朱榮榮以  
為別將

資治通鑑卷一百五十



欽定四庫全書

資治通鑑卷一百五十一 宋 司馬光 撰

胡三省 音註

梁紀七

起柔兆敦牂盡彊  
圍協洽凡二年

高祖武皇帝七

普通七年春正月辛丑朔大赦 壬子魏以汝南王悅

領太尉 魏安州石離穴城斛鹽三戍兵反應杜洛周

衆合二萬洛周自松岍赴之

水經注大榆河出禦夷鎮  
北塞中南流逕密雲戍西

又南流逕孔山西又歷密雲戍東右合蓋廣峒水峒水  
西逕孔山南上有洞穴開明故謂之孔山大榆河又東  
南流白楊泉水注之水北發白楊溪望離石大榆河又  
東南流出峽逕安州舊漁陽郡之滑鹽縣南世謂之斛  
鹽城西北去禦夷鎮二百里岍輕煙翻或曰岍峒  
字之誤也讀作陘唐志管州西北百里曰松陘嶺行臺

常景使別將崔仲哲屯軍都關以邀之將即亮翻仲哲戰沒

元譚軍夜潰元譚軍於居庸關見上卷上年魏以別將李琚代譚為都

督仲哲秉之子也崔秉時為燕州刺史初魏廣陽王深通於城

陽王徽之妃徽為尚書令為胡太后所信任會恒州人

請深為刺史徽言深心不可測及杜洛周反五原降戶

在恒州者謀奉深為主深懼上書求還洛陽

時深軍于朔州恒戶

登翻降戶江翻上時掌翻

魏以左衛將軍楊津代深為北道大都督

詔深為吏部尚書徽長壽之子也

長壽景穆子也

五原降戶鮮

于修禮等帥北鎮流民反於定州之左城

按楊津傳左城當在博陵

界又水經注中山唐縣有左人城帥讀曰率改元魯興引兵向州城州兵禦

之不利楊津至靈丘

靈丘縣漢屬代郡唐為蔚州

聞定州危迫引兵

救之入據州城修禮至津欲出擊之長史許被不聽津

手劍擊之

手首又翻此以記檀弓子手弓釋之為據

被走得免津開門出戰

斬首數百賊退人心少安

少詩  
治翻

詔尋以津為定安州刺

史兼北道行臺魏以揚州刺史長孫稚為大都督北討

諸軍事與河間王琛共討修禮

長知兩翻  
琛丑林翻

二月甲戌

北伐衆軍解嚴魏西部敕勒斛律洛陽反於桑乾西

乾音  
干與費也頭牧子相連結三月甲寅游擊將軍爾朱

榮擊破洛陽於深井牧子於河西

北河  
之西

夏四月乙酉

臨川靖惠王宏卒

魏大赦

癸巳魏以侍中車騎大

將軍城陽王徽為儀同三司

騎奇  
寄翻

徽與給事黃門侍郎

徐紇共毀侍中元順於太后出為護軍將軍太常卿順

奉辭於西遊園紇侍側順指之謂太后曰此魏之宰

宰誣吳太宰誣也好讒吳王夫差魏國不亡此終不死

信而任之以至亡國誣匹鄙翻

紇脅肩而出朱元晦曰脅肩竦體也小人側媚之態

順抗聲叱之曰爾刀

筆小才止堪供几案之用豈應汙辱門下戮我彝倫

汙鳥

故翻戮多路翻敗也

因振衣而起太后默然

魏朔州城民鮮于

阿胡等據城反

阿從安入聲

杜洛周南出鈔掠薊城魏

常景遣統軍梁仲禮擊破之丁未都督李琚與洛周戰

于薊城之北敗沒常景帥衆拒之洛周引還上谷

鈔楚交翻

薊音計帥讀曰率

長孫稚行至鄴詔解大都督以河間王琛

代之稚上言彛與琛同在淮南琛敗臣全

謂為裴邃所敗事見上卷

年上遂成私隙今難以受其節度魏朝不聽朝直前至呼

沱稚未欲戰琛不從鮮于修禮邀擊稚於五鹿

杜預曰陽平元

城縣東有五鹿即沙鹿也按呼沱不至元城界此別有五鹿非左氏所謂五鹿也沱徒河翻

琛不赴

救稚軍大敗稚琛並坐除名 五月丁未魏主下詔將

止討內外戒嚴既而不行 衡州刺史元畧自至江南

晨夕哭泣常如居喪及魏元乂死

乂死見上卷上年喪息亦翻

胡太

后欲召之知畧因刁雙獲免

事見一百四十九卷普通元年

徵雙為光

祿大夫遣江革祖暄之南還以求略

江革祖暄之沒魏見上卷上年暄古

鄧翻上備禮遣之寵贈甚厚畧始濟淮魏拜畧為侍中賜

爵義陽王以司馬始賓為給事中粟法光為本縣令刁

昌為東平太守刁雙為西兗州刺史凡畧所過一殮一

宿皆賞之

畧來奔見一百四十九卷元年粟法光屯留人魏孝昌十年置西兗州於定陶領沛濟陰

二郡是年則孝昌一年也魏以丞相高陽王雍為大司馬復以廣

陽王深為大都督討鮮于修禮

又復扶

章武王融為左都

督裴衍為右都督並受深節度深以其子自隨城陽王

徽言於太后曰廣陽王攜其愛子握兵在外將有異志

乃敕融衍潛為之備

疑則勿任則勿疑既以深為大都督而又使小督備之何以責其珍

乎寇融衍以敕示深深懼事無大小不敢自決太后使問

其故對曰徽銜臣次骨

李奇曰次骨者言深刻至骨

臣疏遠在外徽

之構臣無所不為自徽執政以來臣所表請多不從允

徽非但害臣而已從臣將士有勲勞者皆見排抑不得



比它軍仍深被憎嫉或因其有罪加以深文至於殊死  
以是從臣行者莫不悚懼有言臣善者視之如仇讐言  
臣惡者待之如親戚徽居中用事朝夕欲陷臣於不測  
之誅臣何以自安陛下若使徽出臨外州臣無內顧之

憂庶可以畢命賊庭展其忠力太后不聽為深死于徽盜手張本

與中書舍人鄭儼等更相阿黨更工衡翻外似柔謹內實忌

克賞罰任情魏政由是愈亂 戊申魏燕州刺史崔秉

帥眾弃城奔定州燕州自去年八月為杜洛周所圍燕因肩翻 乙丑魏以

安西將軍宗正珍孫為都督

宗正複姓漢楚元王交之子郢客孫德世為宗正子

孫因以

討汾州反胡

討劉蠡

六月魏絳蜀陳雙熾聚

為氏

衆反

蜀人徙居絳郡者謂之絳蜀絳縣漢晉屬河東郡元魏分置絳郡魏收志郡屬東雍州

自號

始建王魏以假鎮西將軍長孫稚為討蜀都督

考異曰費穆

傳穆為都督平降蜀不應有兩都督今從帝紀

別將河東薛修義輕騎詣雙熾

壘下曉以利害雙熾即降詔以修義為龍門鎮將

此龍門在

河東北屈縣西魏世祖神麤元年禽赫連昌改北屈為禽昌縣將即亮翻降戶江翻

丙子魏徙

義陽王略為東平王頃之遷大將軍尚書令為胡太后

所委任與城陽王徽相埒埒力然徐鄭用事略亦不敢

違也

魏當時宗室畧其巨擘也史言其居淫昏之朝不能矯正

杜洛周遣都督王

曹紇真等將兵掠薊南

時杜洛周葛榮等作亂其軍中將領無不加以王爵曹紇真以

都督加王號秋七月丙午行臺常景遣都督于榮等擊

之於栗園

栗園當在范陽固安縣界固安之栗天下稱之

大破之斬曹紇真及

將卒三千餘級洛周帥衆南趣范陽

范陽縣前漢屬涿郡後漢章帝改涿

郡為范陽郡帥讀曰率趣七喻翻

景與榮等又破之

魏僕射元纂以

行臺鎮恒州鮮于阿胡擁朔州流民寇恒州戊申陷平

城纂奔冀州

恒州治平城平城魏之故都亦陷於賊其不競甚矣恒戶登翻

上聞淮

堰水盛壽陽城幾沒

觀此蓋淮堰復成也

復遣郢州刺史元樹等

自北道攻黎漿豫州刺史夏侯亶等自南道攻壽陽

扶復

又翻下  
榮復同

八月癸巳賊帥元洪業斬鮮于修禮請降于

魏

帥所類翻  
降戶江翻

賊黨葛榮復殺洪業自立

廣考異曰北史  
陽王深傳云

深以兵士頻經退散人無鬪情連營轉柵日行十里行  
達交津隔水而陳賊修禮常與葛榮謀後稍信朔州人

毛普賢榮常銜之普賢昔為深統軍及在交津深使人  
諭之普賢乃有降意又使錄事參軍元晏說賊程殺鬼

果相猜貳榮遂殺普賢修禮而自立與魏  
帝紀全殊又其語雜亂難曉今從帝紀

魏安北將

軍都督恒朔討虜諸軍事爾朱榮過肆州肆州刺史尉

慶賓忌之據城不出

尉紆  
勿翻

榮怒舉兵襲肆州執慶賓還

秀容署其從叔羽生為刺史魏朝不能制

此時爾朱榮  
已有無魏之

心矣從才用  
翻朝直遙翻

初賀拔允及弟勝岳從元纂在恒州平城

之陷也允兄弟相失岳奔爾朱榮勝奔肆州榮克肆州

得勝大喜曰得卿兄弟天下不足平也以為別將

將即  
亮翻

軍中大事多與之謀 九月己酉鄴陽忠烈王恢卒

葛榮既得杜洛周之眾

魏主武泰元年葛榮方并杜  
洛周此得鮮于修禮之眾也

趣瀛州

趣七俞翻

魏廣陽忠武王深自交津引兵躡之

水經注漳

水過武安縣東清水自涉縣東南來注之世謂決入之所為交漳口

辛亥榮至白牛邏

據魏

紀白牛邏在高陽博野縣邏郎佐翻

輕騎掩擊章武莊武王融殺之榮自

稱天子國號齊改元廣安深聞融敗停車不進侍中元

晏密言於太后曰廣陽王盤桓不進坐圖非望有于謹

者智略過人為其謀主風塵之際恐非陛下之純臣也

太后深然之詔榜尚書省門募能獲謹者有重賞謹聞

之謂深曰今女主臨朝

朝直遙翻

信用讒佞苟不明白殿下

素心恐禍至無日謹請束身詣闕歸罪有司遂徑詣榜

下自稱于謹有司以聞太后引見大怒見賢通翻謹備論深

忠款兼陳停車之狀太后意解遂捨之深引軍還趣定

州趣七喻翻定州刺史楊津亦疑深有異志深聞之止於州

南佛寺經二日深召都督毛諡等數人交臂為約危難

之際期相拯恤諡神至翻難乃旦翻諡愈疑之密告津云深謀不

軌津遣諡討深深走出諡呼噪逐深深與左右閒行至

博陵界閒古莧翻漢桓帝置博陵郡元魏屬定州逢葛榮遊騎劫之詣榮騎奇

寄賊徒見深頗有喜者榮新立惡之恐其徒有欲奉深為主者故惡之惡

烏路遂殺深城陽王徽誣深降賊錄其妻子降戶深府江翻

佐宋遊道為之訴理乃得釋遊道繇之玄孫也宋繇事西梁李

氏李滅事沮渠氏沮渠滅入魏為于偽翻甲申魏行臺常景破杜洛周斬

其武川王賀拔文興等捕虜四百人就德興陷魏平

州殺刺史王買奴魏平州治肥如即唐平州盧龍縣地天水民呂伯度

本莫折念生之黨也後更據顯親以拒念生漢光武置顯親侯國

以封竇友以其兄融以河西歸附且以顯其孝文竇后之親也屬漢陽郡後魏屬天水郡至唐時秦州成紀縣



治顯親川

已而不勝亡歸胡琛

琛丑林翻

琛以為大都督秦王資

以士馬使擊念生伯度屢破念生軍復據顯親

復扶又翻下生

復同

乃叛琛東引魏軍念生窘迫乞降於蕭寶寅

寔渠隕翻寶

寅使行臺左丞崔士和據秦州魏以伯度為涇州刺史

封平秦郡公

魏大延二年置平秦郡於雍縣屬岐州

大都督元修義停軍

隴口久不進

隴口隴坻之口

念生復反執士和送胡琛於道殺

久之伯度為万俟醜奴所殺

万莫北翻侯渠之翻

賊勢益盛寶

寅不能制胡琛與莫折念生交通事破六韓拔陵浸慢

琛應拔陵見上卷五年

拔陵遣其臣費律至高平誘琛斬之

誘音酉

醜奴盡并其衆 冬十一月庚辰大赦 丁貴嬪卒太

子水漿不入口

太子統丁貴妃所生也卒子恤翻

上使謂之曰毀不滅

性引孝經孔子之言

况我在邪乃進粥數合

合古沓翻漢志曰十合為合合者合

之量也

太子體素肥壯腰帶十圍至是減削過半

過工禾翻

夏侯亶等軍入魏境所向皆下辛巳魏揚州刺史李憲

以壽陽降

降戶江翻下同

宣猛將軍陳慶之入據其城凡降城

五十二獲男女七萬五千口丁亥縱李憲還魏復以壽

陽為豫州

自宋以來以壽陽為揚州復漢魏之舊也今復以壽

陽為豫州復宋齊之舊也復以扶又翻又如字

改合肥為南豫州

天監五年徙豫州治合肥

以夏侯亶為豫南豫二州刺史壽陽久懼兵革民多離

散亶輕刑薄賦務農省役項之民戶充復杜洛周圍

范陽戍戍民執魏幽州刺史王延年行臺常景送洛周

開門納之

常景擊杜洛周數戰數勝而終于為虜者民樂於從亂而疾視其上也

魏齊

州平原民劉樹等反

宋武帝僑置平原郡于梁鄒屬冀州後入於魏改冀州為齊州平原

為東平原郡

攻陷郡縣頻敗州軍刺史元欣以平原房士達

為將討平之

敗補邁翻  
將即亮翻

曹義宗據穰城以逼新野

人

羊魏遣都督魏承祖及尚書左丞南道行臺辛纂救之

考異曰梁書此年冬新野降魏書肅宗崩後新野猶在恐梁書誤蓋梁自前年攻新野此年魏使魏承祖救

之也又周于謹傳云孝昌二年與辛纂討義宗今以為據義宗戰不利不敢進纂雄

之從父兄也 魏盜賊日滋征討不息國用耗竭豫徵

六年租調猶不足

調徒  
弔翻

乃罷百官所給酒肉又稅入市

者人一錢及邸店皆有稅百姓嗟怨吏部郎中辛雄上

疏以為華夷之民相聚為亂豈有餘憾哉正以守令不

得其人

守式又翻

百姓不堪其命故也宜及此時早加慰撫

但郡縣選舉由來共輕貴遊儁才莫肯居此宜改其弊

分郡縣為三等清官選補之法妙盡才望如不可並後

地先才不得拘以停年

地門地也崔亮制停年格見一百四十九卷天監十八年後先

並去聲

三載黜陟

戴子亥翻

有稱職者補在京名官

稱尺證翻

如不

歷守令不得為內職則人思自勉枉屈可申彊暴自息

矣不聽

大通元年

是年三月方改元大通

春正月乙丑以尚書左僕射徐

勉為僕射

時右僕射缺故左僕射止為僕射

辛未上祀南郊

甲戌

魏以司空皇甫度為司徒儀同三司蕭寶寅為司空

魏分定相二州四郡置殷州

按魏收志殷州止領趙郡鉅鹿南鉅鹿三郡蓋初置

時燕領相州之廣宗郡也殷州治廣阿劉昫曰北齊改為趙州隋改廣阿為大陸唐武德四年改為象城天寶二年改為昭慶以有建初啟運二陵也宋開寶五年改昭慶為隆平熙寧六年省隆平縣為隆平鎮入臨城縣

相息亮翻以北道行臺博陵崔楷為刺史楷表稱州今新立

尺刃斗糧皆所未有乞資以兵糧詔付外量聞

使量計合給兵

量之數以聞也量音良

竟無所給或勸楷留家單騎之官

騎奇寄翻楷

曰吾聞食人之祿者憂人之憂若吾獨往則將士誰肯  
固志哉遂舉家之官葛榮逼州城或勸減弱小以避之  
楷遣幼子及一女夜出既而悔之曰人謂吾心不固虧  
忠而全愛也遂命追還賊至彊弱相懸又無守禦之具  
楷撫勉將士以拒之莫不爭奮皆曰崔公尚不惜百口  
吾屬何愛一身連戰不息死者相枕枕職任翻終無叛志辛  
未城陷楷執節不屈榮殺之藩翰之任保境安民上也  
全城却敵次也死於城郭  
豈得已哉崔楷闔家并命其志節有可憐矣上之人實有罪焉  
遂圍冀州 蕭寶寅出

兵累年將士疲弊秦賊擊之寶寅大敗於涇州收散兵

萬餘人屯逍遙園東秦州刺史潘義淵以汧城降賊秦

既為賊所據魏置東秦州于隴東郡治汧城即隋唐之汧源縣也將即亮翻汧口堅翻降戶江翻莫折

念生進逼岐州城人執刺史魏蘭根應之幽州刺史畢

祖暉戰沒行臺辛深弃城走弃幽州城也北海王顥軍亦敗

賊帥胡引祖據北華州引祖恐當作弘祖魏孝文帝太和十五年置東秦州於杏城後

改為北華州領中部數城郡帥所類翻華戶化翻叱干麒麟據幽州以應天生

叱干虜復姓關中大擾雍州刺史楊椿募兵得七千餘人帥



以拒守

雍於用翻  
帥讀曰率

詔加椿侍中兼尚書右僕射為行臺

節度關西諸將北地功曹毛鴻賓引賊抄掠渭北

抄楚  
交翻

雍州錄事參軍楊侃將兵三千掩擊之鴻賓懼請討賊

自効遂擒送宿勤烏過仁烏過仁者明達之兄子也莫

折天生乘勝寇雍州

考異曰羊侃傳  
作莫遮今從魏書

蕭寶寅部將羊

侃隱身塹中射之應弦而斃

塹七艷翻  
射而亦翻

其衆遂潰侃社

之子也 魏右民郎陽平路思令上疏

晉武帝置尚  
書右民郎

為師出有功在於將帥得其人則六合唾掌可清

人欲  
舉手

有為先唾其掌六合天地東南西北也失其人則三河唾掌可清言其易也唾湯卧翻口液也

方為戰地

此指漢三河之地為言魏都洛陽三河則畿甸也

竊以比年將帥多

寵貴子孫銜杯躍馬志逸氣浮軒眉扼腕以攻戰自許

及臨大敵憂怖交懷雄圖銳氣一朝頓盡乃令羸弱在

前以當寇彊壯居後以衛身兼復器械不精進止無節

以當負險之衆敵數戰之虜

腕烏貫翻怖普布翻羸倫為翻比毗至翻復扶又翻

下復疑同數所角翻

欲其不敗豈可得哉是以兵知必敗始集而

先逃將帥畏敵遷延而不進國家謂官爵未滿屢加寵

命復疑賞賚之輕日散金帛帑藏空竭民財殫盡

帑它朗翻

藏徂浪翻

遂使賊徒益甚生民彫弊凡以此也夫德可感義

夫恩可勸死士今若黜陟幽明賞罰善惡簡練士卒繕

修器械先遣辯士曉以禍福如其不悛以順討逆

悛丑緣翻

如此則何異厲蕭斧而伐朝菌

戰國時雍門周有是言莊子曰朝菌不知晦朔

音義云菌大芝也天陰生糞土見日則死梁簡文云菌歎生之芝也音其隕翻鼓洪爐而燎毛

髮哉弗聽 戊子魏以皇甫度為太尉 己丑魏主以

四方未平詔內外戒嚴將親出討竟亦不行 譙州刺

史湛僧智圍魏東豫州

姓譜湛丈減翻姓也後漢有大司農湛重帝置譙州治新昌城

領新昌高塘臨徐南梁郡五代志江都郡清流縣郡置新昌郡考異曰魏帝紀及曹世表傳作湛僧今從梁

夏侯夔傳將軍彭羣王辯圍琅邪魏敕青南青二州救琅邪

魏青州領齊北海樂安勃海高陽河間樂陵郡南青州當又置于其南司州刺史夏侯夔

帥壯武將軍裴之禮等出義陽道攻魏平靜穆陵陰山

三關皆克之

水經注木陵關在黃武山東北晉西陽城西南帥讀曰率下同

夔亶之弟

之禮邃之子也

魏東清河郡山賊羣起詔以齊州長

史房景伯為東清河太守

宋武帝僑置清河郡於盤陽屬冀州後入于魏為東清河

郡屬齊州五代志齊州長山  
縣清河平原二郡併入焉 郡民劉簡虎嘗無禮於景

伯舉家亡去景伯窮捕禽之署其子為西曹掾令諭山

賊賊以景伯不念舊惡皆相帥出降

掾俞絹翻 降戶江翻

景伯母

崔氏通經有明識貝丘婦人列其子不孝

貝丘僑縣亦宋武帝置屬

清河郡五代志齊州淄川縣舊曰貝丘置東清河郡按  
前注所謂清河郡置於盤陽者據魏收地形志宋郡也

五代志長山之清河平原雙頭郡也  
房景伯所守者貝丘之東清河也 景伯以白其母母

曰吾聞聞名不如見面山民未知禮義何足深責乃召

其母與之對榻共食使其子侍立堂下觀景伯供食未

旬日悔過求還崔氏曰此雖面慙其心未也且置之凡二十餘日其子叩頭流血母涕泣乞還然後聽之卒以

孝聞

卒子恤翻

景伯法壽之族子也

房法壽見一百三十二年卷宋明帝泰始三年

二月秦賊據魏潼關

出蕭竇寅之後

庚申魏東郡民趙顯

德反殺太守裴烟自號都督

魏東郡治滑臺城屬西兗州烟俗煙字

將

軍成景儁攻魏彭城魏以前荊州刺史崔孝芬為徐州

行臺以禦之先是孝芬坐元又黨與盧同等俱除名

盧同

除名見上卷普通六年先悉薦翻

及將赴徐州入辭太后太后謂孝芬

曰我與卿姻戚

時太后為魏主納孝芬女為世婦故云然

奈何內頭元又車

中稱此老嫗會須去之

嫗咸遇翻去羌呂翻

孝芬曰臣蒙國厚恩

實無斯語假令有之誰能得聞若有聞者此於元又親

密過臣遠矣太后意解悵然有愧色景儁欲堰泗水以

灌彭城孝芬與都督李叔仁等擊之景儁遁還 三月

甲子魏主詔將西討中外戒嚴會秦賊西走復得潼關

復扶又翻戊辰詔回駕北討其實皆不行 葛榮久圍信都

魏以金紫光祿大夫源子邕為北討大都督以救之

初上作同泰寺又開大通門以對之取其反語相協

同泰

反為大大通反為同是反語相協也反音翻

上晨夕幸寺皆出入是門辛未

上幸寺捨身甲戌還宮大赦改元

改是年為大通元年

魏齊州

廣川民劉鈞聚衆反

宋武帝僑置廣川郡屬冀州入魏屬齊州五代志齊州長山縣舊曰

武彊置廣川郡

自署大行臺清河民房項自署大都督屯據昌

國城魏收志東清河郡武城縣有昌國城

夏四月魏將元斌之討東郡

斬趙顯德

將即亮翻

己酉柔然頭兵可汗遣使入貢於魏

可從刊入聲汗音寒使疏史翻

且請討羣賊魏人畏其反覆詔以盛暑



且俟後敕 魏蕭寶寅之敗也有司處以死刑詔免為庶

人雍州刺史楊椿有疾求解復以寶寅為都督雍涇等

四州諸軍事征西將軍雍州刺史開府儀同三司西討

大都督自闕以西皆受節度

處昌呂翻復扶又翻雍於用翻

椿還鄉里

楊椿世居華陰

其子昱將適洛陽椿謂之曰當今雍州刺史亦

無踰於寶寅者但其上佐朝廷應遣心膂重臣何得任

其牒用此乃聖朝百慮之一失也

朝直送翻

且寶寅不藉刺

史為榮吾觀其得州喜悅持甚至於賞罰云為不依常

憲恐有異心汝今赴京師當以吾此意啟二聖

二聖謂胡太后

魏主并白宰輔更遣長史司馬防城都督欲安關中正須

三人耳如其不遣必成深憂昱面啟魏主及太后皆不

聽是後寶寅以關中叛魏如楊椿所料五月丙寅成景儁攻魏臨潼竹

邑拔之魏置臨潼郡治臨潼城據水經城臨潼水故名竹邑即漢沛郡之竹縣也魏為南濟陰郡治所

五代志下邳郡夏丘縣舊置臨潼郡彭城郡符離縣隋廢竹邑入馬宋白曰符離縣朝斛城西南七十里有竹

城邑東官直閣蘭欽攻魏蕭城厥固拔之東官亦有直閣將軍魏收志魏

沛郡治蕭縣黃陽城又領內相欽斬魏將曹龍牙將即縣有厥城領內猶言管內也亮翻

六月魏都督李叔仁討劉鈞平之 秋七月魏陳郡

民劉獲鄭辯反於西華

西華縣漢屬汝南郡晉屬潁川郡元魏屬陳郡

改元天

授與湛僧智通謀

湛僧智時圍魏東豫州

魏以行東豫州刺史譙

國曹世表為東南道行臺以討之源子恭代世表為東

豫州諸將以賊衆彊官軍弱且皆敗散之餘不敢戰欲

保自固世表方病背腫輦出呼統軍是云寶

是云姓也魏書官氏

志內入諸姓有是云氏

謂曰湛僧智所以敢深入為寇者以獲辯

皆州民之望為之內應也邠聞獲引兵欲迎僧智去此

八十里令出其不意一戰可破獲破則僧智自走矣乃

選士馬付寶暮出城北曉而至

比必利翻及也

擊獲大破之窮

討餘黨悉平僧智聞之遁還鄭辯與子恭親舊亡匿子

恭所世表集將吏而責子恭收辯斬之魏相州刺史

樂安王鑒與北道都督裴衍共救信都

相息亮翻樂安當作安樂樂音

洛鑒幸魏多故陰有異志遂據鄴叛降葛榮

降戶江翻下同

己丑魏大赦初侍御史遼東高道穆奉使相州

使疏吏翻下同

前刺史李世哲奢縱不法道穆案之世哲弟神軌用事

道穆兄謙之家奴訴良

律禁歷良為賤謂本  
是良民歷為奴婢

神軌收謙

之繫廷尉赦將出神軌啟太后先賜謙之死朝士哀之

朝直  
遙翻

彭羣王辯圍琅邪自夏及秋魏青州刺史彭城

王劭遣司馬鹿愈南青州刺史胡平遣長史劉仁之將

兵擊羣辯破之羣戰沒劭總之子也

彭城王總魏之賢  
王也死於高肇之

譖愈羊茹翻將  
即亮翻總音協

八月魏遣都督源子邕李神軌裴衍

攻鄴子邕行及湯陰

湯陰縣漢屬河內郡晉  
廢縣其地在汲郡界

安樂王鑒

遣弟斌之夜襲子邕營不克子邕乘勝進圍鄴城丁未

拔之斬鑿傳首洛陽改姓拓拔氏魏因遣子邕裴衍討

葛榮 九月秦州城民杜粲殺莫折念生闔門皆盡粲

自行州事南秦州城民辛琛亦自行州事遣使詣蕭寶

寅請降

琛丑林翻

魏復以寶寅為尚書令還其舊封

寶寅涇州之敗

免為庶人舊封者寶寅自丹陽郡公徙封梁郡公復扶又翻

譙州刺史湛僧智圍

魏東豫州刺史元慶和於廣陵

此廣陵城在新息縣界

魏將軍元

顯伯救之司州刺史夏侯夔自武陽引兵助僧智

武陽關義

陽三關之一也

冬十月夔至城下慶和舉城降夔以讓僧智僧

智曰慶和欲降公不欲降僧智今往必乖其意且僧智所將應募烏合之人不可御以法公持軍素嚴必無侵暴受降納附深得其宜夔乃登城拔魏幟建梁幟幟昌志翻慶和東兵而出吏民安堵獲男女四萬餘口

臣光曰湛僧智可謂君子矣忘其積時攻戰之勞

湛僧

智自是年正月攻圍東豫州

以授一朝新至之將知己之短不掩

人之長功成不取以濟國事忠且無私可謂君子矣元顯伯宵遁諸軍追之斬獲萬計詔以僧智領東豫州

刺史鎮廣陵夔引軍屯安陽

魏收志東豫州汝南郡有安陽縣五代志汝南真陽

縣隋廢魏安陽縣入馬

遣別將屠楚城

魏收志梁置西楚州於楚城五代志汝南郡城陽縣

梁置楚州

由是義陽北道遂與魏絕

領軍曹仲宗東宮直

閣陳慶之攻魏渦陽

渦古未翻

詔尋陽太守韋放將兵會之

魏散騎常侍費穆引兵奄至

散悉亶翻奇寄翻

放營壘未立塵

下止有二百餘人放免胄下馬據胡牀處分

胡牀即今之交牀隋

惡胡氏改曰交牀今之交倚是也處昌呂翻分扶問翻

士皆殊死戰莫不一當百

魏兵遂退放敵之子也

梁之將帥韋敵一人而已

魏又遣將軍元昭



等衆五萬救渦陽前軍至駝澗去渦陽四十里

今自肥河口沂

江西上得駝澗灘其灘南對永壽館北至耶溪

陳慶之欲逆戰韋放以魏之前

鋒必皆輕銳不如勿擊待其來至慶之曰魏兵遠來疲

倦去我既遠必不見疑及其未集須挫其氣諸君若疑

君或作軍慶之請獨取之於是帥麾下二百騎進擊破之

帥讀

曰率騎奇寄翻

魏人驚駭慶之乃還與諸將連營而進背渦陽

城與魏軍相持

背蒲妹翻

自春至冬數十百戰將士疲弊聞

魏人欲築壘於軍後曹仲宗等恐腹背受敵議引軍還

慶之杖節軍門曰共來至此涉歷一載

去年慶之入壽陽至此涉歷一

年廉費極多今諸君皆無鬪心唯謀退縮豈是欲立功

名直聚為抄暴耳

抄楚交翻

吾聞置兵死地乃可求生

兵法置之

死地而生

而須虜大合然後與戰審欲班師慶之別有密敕

今日犯者當依敕行之仲宗等乃止魏人作十三城欲以控制梁軍慶之銜枚夜出陷其四城渦陽城主王緯

乞降

緯于貴翻考異曰魏帝紀九月辛卯東豫州刺史元慶和以城叛梁帝紀十月庚戌魏東豫州刺史

元慶和以渦陽內屬夏侯夔夔傳湛僧智圓元慶和于廣陵慶和請降詔以僧智為東豫州鎮廣陵韋放傳普

通八年曹仲宗攻渦陽放會之城主王偉降陳慶之傳  
大通元年隸曹仲宗伐渦陽城主王偉降詔以渦陽置  
西徐州然則廣陵渦陽兩處兩事梁紀慶和渦陽之間  
或更有脫字耳魏紀九月據聞慶和始叛之時梁紀十  
月據慶和降款到日按陳慶之傳云自春至冬今從梁  
紀十月為定此別一廣陵非南兗州之廣陵也王偉當  
作王緯蓋草  
書之誤也

韋放簡遣降者三十餘人分報魏諸營陳

慶之陳其俘馘鼓譟隨之九城皆潰追擊之俘斬略盡

尸咽渦水所降城中男女三萬餘口 蕭寶寅之敗於

涇州也或勸之歸罪洛陽或曰不若留關中立功自効

行臺都令史河間馮景曰擁兵不還此罪將大

尚書有都令史

故行臺亦置之寶寅不從自念出師累年糜費不貲一旦覆敗

內不自安魏朝亦疑之朝直中尉鄜道元素名嚴猛司

州牧汝南王悅魏都洛陽置司州嬖人丘念弄權縱恣道元收

念付獄悅請之於胡太后太后欲赦之道元殺之并以

劾悅時寶寅反狀已露悅乃奏以道元為闕右大使嬖

義翻又博計翻劾戶舉寶寅聞之謂為取己甚懼長安

輕薄子弟復勸使舉兵復扶又翻下寶寅以問河東柳

楷楷曰大王齊明帝子天下所屬屬之今日之舉實允

欲翻

人望且謠言鸞生十子九子嬾一子不嬾關中亂

齊明帝諱

鸞寶寅之父也嬾徒玩翻卯壞也周秦以前以亂為治

大王當治關中何所疑道

元至陰盤驛

此陰盤縣驛也魏收地形志曰陰盤縣本屬安定晉屬京兆魏真君七年併新豐太

和十一年復置陰盤縣鴻門戲水正屬縣界按漢安定郡與京兆相去遠遠中間為馮翊所隔自晉以後所置

陰盤縣非漢安定之陰盤縣地也魏收不深考耳宋白曰京兆昭應縣東十三里有故城後漢靈帝末移安定

郡陰盤縣寄理於此今亦謂之陰盤城後魏太和九年自此復移陰盤縣城於今昭應縣東三十二里零水西

戲水東司馬村故城是也

寶寅遣其將郭子恢攻殺之

將即亮翻收殞其

尸表言白賊所害

秦人謂鮮卑為白虜自苻秦之亂鮮卑之種有因而留關中者是時亦相

梃為盜因謂之白賊或曰白賊謂白地之寇也

又上表自理稱為楊椿父子所

譖寶寅行臺郎中武功蘇湛卧病在家寶寅令湛從母

弟開府屬天水姜儉說湛

魏以寶寅為開府故有掾有屬從才用翻說式內翻

曰

元略受蕭衍旨欲見勦除

略自梁還魏大見寵任故寶寅託以為言勦于小翻

道

元之來事不可測吾不能坐受死亡今須為身計不復

作魏臣矣死生榮辱與卿共之湛聞之舉聲大哭儉遽

止之曰何得便爾湛曰我百口今屠滅云何不哭哭數

十聲徐謂儉曰為我白齊王

寶寅歸魏封為齊王故稱之為于偽翻下口為同

王本以窮鳥投人賴朝廷假王羽翼榮寵至此屬國步

多虞

屬之欲翻

不能竭忠報德乃欲乘人間隙

間古覓翻

信惑行

路無識之語欲以羸敗之兵守闕問鼎

守闕謂寶寅欲守潼關之險割

據闕中問鼎謂欲窺天位成王定鼎于郊廓三代之世實也楚莊問鼎之大小輕重欲以兵威脅取之故以諭羸倫為翻今魏德雖衰天命未改且王之恩義未洽於

民但見其敗未見有成蘇湛不能以百口為王族滅寶

寅復使謂曰我救死不得不爾所以不先相白者恐沮

吾計耳

沮在呂翻

湛曰凡謀大事當得天下奇才與之從事

今但與長安博徒謀之此有成理不

不讀曰否

湛恐荆棘必

生於齋閣

此亦用伍胥伍被語意

願賜骸骨歸鄉里庶得病死下

見先人寶寅素重湛且知其不為己用聽還武功甲寅

寶寅自稱齊帝改元隆緒赦其所部置百官都督長史

毛遐

寶寅都督雍涇等四州又為西討大都督以遐為府長史

鴻賓之兄也與鴻賓

帥氐羌起兵於馬祗柵以拒寶寅

帥讀曰率

寶寅遣大將軍

盧祖遷擊之為遐所殺寶寅方祀南郊行即位禮未畢

聞敗色變不暇整部伍狼狽而歸以姜儉為尚書左丞



委以心腹文安周惠達為寶寅使在洛陽

文安縣前漢屬勃海後漢

屬河間晉置章武郡文安屬焉使疏吏翻

有司欲收之惠達逃歸長安寶寅

以惠達為光祿勳丹陽王蕭贊聞寶寅反懼而出走趣

白馬山

趣七喻翻

至河橋為人所獲魏主知其不預謀釋而

慰之行臺郎封偉伯等與關中豪傑謀舉兵誅寶寅事

泄而死魏以尚書僕射長孫稚為行臺以討寶寅正平

民薛鳳賢反

魏收志世祖置太平郡於河東聞喜縣孝文太和十八年改曰正平郡屬雍雍州領

聞喜曲沃二縣

宗人薛修義亦聚眾河東分據鹽池攻圍蒲坂

東西連結以應寶寅詔都督宗正珍孫討之 十一月

丁卯以護軍蕭淵藻為北討都督鎮渦陽戊辰以渦陽

為西徐州

渦陽魏置譙州梁改為西徐州領南譙  
汴龍亢新城潁川臨渙蒙郡渦音戈

葛

榮圍信都自春及冬冀州刺史元孚帥勵將士晝夜拒

守

帥讀曰  
率下同

糧儲既竭外無救援己丑城陷榮執孚逐出

居民凍死者什六七孚兄祐為防城都督榮大集將士

議其生死孚兄弟各自引咎爭相為死

為于  
偽翻

都督潘紹

等數百人皆叩頭請就法以活使君榮曰此皆魏之忠

臣義士於是同禁者五百人皆得免魏以源子邕為冀

州刺史將兵討榮

將即亮翻

裴衍表請同行詔許之子邕上

言行行臣請留臣行請留衍若逼使同行敗在旦夕不

許十二月戊申行至陽平東北漳水曲榮帥軍十萬擊

之子邕衍俱敗死相州吏民聞冀州已陷子邕等敗人

不自保相州刺史恒農李神志氣自若

魏顯祖諱弘改弘農曰恒農相

息亮翻恒戶登翻

撫勉將士大小致力葛榮盡銳攻之卒不能

克卒子恤翻

秦州民駱超殺杜粲請降於魏

杜粲殺莫折念生駱超又

殺杜榮羣盜互相屠滅以邀一時之利不足怪也降尹江翻

資治通鑑卷一百五十一